



Na osnovu čl. 20. i 21. Zakona o namještenicima u organima državne službe u Federaciji Bosne i Hercegovine ("Službene novine Federacije BiH", broj 49/05) i Pravilnika o unutrašnjoj organizaciji Ministarstva saobraćaja Kantona Sarajevo br. 04-02-2644/16 od 02.12.2016. godine, 04-02-12798/17 od 31.03.2017. godine, 04-02-13307/18 od 09.03.2018. godine i 04-02-17440/18 od 06.06.2018. godine, ministar saobraćaja Kantona Sarajevo objavljuje

INTERNI OGLAS
za popunu radnog mjesta namještenika na neodređeno vrijeme u
Ministarstvu saobraćaja Kantona Sarajevo

Naziv radnog mjesta:

Viši referent za administrativne poslove na protokolu i arhiviranje 1 (jedan) izvršilac;

Opis poslova radnog mjesta:

Uručuje strankama rješenja i druge akte koje donosi Ministarstvo kao i obrasce za vođenje upravnih postupaka iz nadležnosti Ministarstva, davanje informacija vezano za rad Ministarstva, kao i informacija o toku postupka po zahtjevima stranaka, vrši dostavljanje predmeta pisarnici radi arhiviranja, preuzimanje arhiviranih predmeta iz pisarnice po nalogu voditelja postupka, vrši poslove formiranja baze podataka kompjuterskog arhiva iz nadležnosti svih sektora u Ministarstvu i predmeta izvan organizacionih jedinica, vrši administrativno-tehničke poslove, za svoj rad odgovoran je ministru i sekretaru Ministarstva.

U obavljanju poslova koji su u opisu ovog radnog mjesta obavezan je da primjenjuje Politiku kvaliteta Kantona Sarajevo, te prati i primjenjuje sve usvojene procedure vezane za sistem upravljanja kvalitetom prema zahtjevima standarda ISO 9001.

Posebni uslovi za obavljanje poslova radnog mjesta:

- Završena gimnazija ili ekonomska škola, SSS- IV stepen, najmanje 10 mjeseci radnog staža,
- položen stručni ispit.

Spisak potrebnih dokumenata

Uz prijavu na Interni oglas koji sadrži kraću biografiju, adresu i kontakt telefon, kandidati su dužni dostaviti original ili ovjerene kopije slijedećih dokumenata:

- Izvod iz matične knjige rođenih;
- Uvjerenje o državljanstvu Bosne i Hercegovine (ne starije od šest mjeseci) ili ovjerena kopija CIPS-ove lične karte;
- Svjedočanstvo/ diploma o završenoj srednjoj školi;
- Potvrda o radnom stažu;



- Uvjerenje nadležnog organa da u posljednje dvije godine od dana objavljivanja oglasa nije otpušten iz organa državne službe kao rezultat disciplinske kazne na bilo kojem nivou vlasti u Federaciji, odnosno u Bosni i Hercegovini;
- Izjava kandidata potpisana i ovjerena od strane nadležnog organa da nije obuhvaćen odredbom člana IX 1. Ustava Bosne i Hercegovine.

Izabrani kandidat dužan je dostaviti ljekarsko uvjerenje o zdravstvenoj sposobnosti prije preuzimanja dužnosti namještenika.

Pravo učešća na ovoj Interni oglas imaju svi namještenici iz organa državne službe svih nivoa vlasti u Federaciji Bosne i Hercegovine.

Prijave koje ne sadrže propisano iz oglasa odbacit će se kao nepotpune, a neblagovremene prijave neće se uzeti u razmatranje.

Prijave sa traženim dokumentima dostavljaju se lično ili poštom preporučeno, sa naznakom "PRIJAVA NA INTERNI OGLAS – NE OTVARATI", na adresu: Ministarstvo saobraćaja Kantona Sarajevo, Ulica Reisa Džemaludina Čauševića 1, 71 000 Sarajevo.

Interni oglas ostaje otvoren 10 dana od dana objavljivanja na Oglasnoj ploči Kantona Sarajevo i Web stranici Kantona Sarajevo www.ks.gov.ba

Interni oglas je objavljen na Oglasnoj ploči Kantona Sarajevo u utorak, 18.09.2018. godine i isti dan je objavljen i na web stranici.

Broj:04-34-32262/18
Sarajevo, 18.09.2018. godine



MINISTAR
Dr.sc Mujo Fišo



web: <http://ms.ks.gov.ba>
e-mail: ms@ms.ks.gov.ba
Tel: + 387 (0) 33 562-058, + 387 (0) 33 562-059
Sarajevo, Reisa Džemaludina Čauševića 1

